



Federative Republic of Brazil



Ministry of Justice



## KOMUNIKADO BA IMPRENSA

### **MATENEK LEI NIAN HUSI BRAZIL FO TULUN BA SETOR JUSTISA**

*Dili/, 28 de Julho 2005*

Ohin Brazil ho PNUD halao lansamentu ba programa apoio espesialista lei nian nain hat hodi fo tulun ba sistema justisa iha Timor Leste. Iha tempu nebe hanesan Brazil mos fo tulun servisu nasional nian iha setor justisa, PNUD mak sei fornese akomodasaun durante espesialista sira ne'e halao kna'ar iha Timor Leste. Seremonia nebe halao iha Ministerio da Justisa ne'e, Embaisador Brazil, Sr. Antonio de Souza e Silva, sei asina akordu oin rua, ida ho Ministro Justisa, Sr. Domingos Maria Sarmiento no ida seluk tan ho Representate Residente husi PNUD Sr. Dr. Sukehiro Hasegawa.

Liu husi programa ne'e, Brazil sei fo tulun mos jurista nain ida, prokurador nain ida no defensoria publiku nain rua. Matenek lei nain sira ne'e, sira ema nebe hetan apoio husi sira nia servisu iha Brazil, nebe sei fo hanoin kona ba funsionariu publiku Brazil nian. Durante halao sira nia servisu ninia benefisiu sei mai hotu husi Brazil nebe mak durante ne'e halao nia knar hodi tulun instituisaun sistema justisa iha Timor Leste. Liu husi Projeto Sistema Justisa nian, PNUD mos sei fo tulun ba matenek nain husi Brazil ne'e ho akomodasaun durante hela iha Timor ho ninia apoio administrativa.

Matenek lei nain hat ne'e sei komesa sira nia servisu iha Timor Leste hahu fulan Setembru 2005 ho periodu tinan ida. Hahu husi tempu ne'e, sira sei halao sira nia knar liu husi Conselho Koordinasaun ho apoio husi Chefe Advaisia Teknika husi PNUD nian ba Projeto Sistema Justisa.. Sira sei halao sira nia funsaun nudar – Juis, Prokurador ou defensoria publika no bele mos fo tulun liu husi treinu ba juis, prokurador, defensoria publika Timor oan iha Centru Treinu Judisiariu (CTJ)

“Liu husi asina akordu kooperasaun rua ne'e, Brasil reaffirma makas hodi aumenta komitmentu atu apoio dezvoltamentu iha Timor Leste “.dehan Sr. Antonio de Souza e Silva, embaisador Brasil ba Timor Leste. Liu tan Sr. Antonio mos hateten katak” Ho mekanismu proposta nebe simplis no unique husi PNUD sei premiti Brasil no Timor Leste atu tuir area foun nebe iha desafiu ba kooperasaun nebe halao tiha ona tuir dalan”. Sr. Souza e Silva fo ninia importansia ba akordu

For more information, contact Kym Smithies at [kym.smithies@undp.org](mailto:kym.smithies@undp.org) or on +670 724 4987



Federative Republic of Brazil



Ministry of Justice



trilatereal ne'e hanesan instrumentu efetivu estimular koperasaun bilateral, nudar mandatu UNOTIL nebe atu hotu iha tinan ida nia laran tan.

Representante Residente husi Programa Nasoens Unidas ba Dezenvovimentu, Dr. Sukehiro Hasegawa hato'o ninia benvindo ba servisu hamutuk ne'e nudar esemplu diak ba koopersaun sul nian. " PNUD iha komitmentu ba dezenvovimentu ho truka esperensia ba malu ho matenek nain sira ne'e nudar elementus kritiku ida ba susesu no dezenvovimentu sustentabel. Kontribusaun husi Governu Brazil ne'e nia valor bot tebes atu fo tulun nebe presija ba peritu tekniku sira iha Setor Justisa"

Koperasauan husi Sul ne'e ninia interese atu promove dezenvovimentu ho efektividade liu husi aprende no troka informsauan ho praktika nebe diak no mos dezenvovimentu entre nasaun dezenvolvidu. Liu husi linha istoria nebe hanesan, geograpia, no nia desafiu, rai husi sul iha lisaun nebe importante atu truka ba malu, inklui mos istoria susesu barak nebe bele estuda mos husi rai dezenvolvidu seluk

Programa PNUD ba Hametin Sistema Justisa iha Timor Leste ne'e hetan tulun husi kontribusaun Norwegia, Australia, Portugal, Irlanda, Belgika no mos Dinamarca Belgium and Denmark.